

## C O R N A V I I.

**P** Eragratis jam ordine CORITANORVM regionibus, qui proximi ad Occiduam Solis plagam fuerunt, CORNABII sive CORNAVII sunt perlustrandi: quorum <sup>etiam</sup> excutiant alii; vim verbi in aliud, atque aliud ducere possum, sed cum ex illis nullum loci natura, populique ingenio respondeat, fucillis malim ejicere, quam his nostris commentariolis intexere. Quod igitur instituti est, provincias quas CORNAVII ex Ptolemai descriptione tenuisse videntur, seorsim percurram; videlicet Warwick-shire, Worcester-shire, Stafford-shire, Shrop-shire, & Che-shire. In quibus nullum Cornavorum nominis vestigium hodie superest, licet hoc nomen ad inclinatum usque Romanorum imperium permansisse videatur. Sub posterioribus enim Imperatoribus CORNAVIOIVM Numeri & turma meruerunt, ut videre est in libro notiarum.

## W A R W I C K - S H I R E.

**P** Agus Warwicensis, qui Anglo-Saxonibus, uti nobis Warwick-shire, ab Ortivo cardine Northantonensibus, Leicestrensibus, & via militari, quam dixi; ab Australi Oxoniensibus, & Glocestrensibus; ab Occiduo maxima ex parte

Wigorniensibus, & à Septentrione Staffordiensibus finitus, in duas distinguitur partes, in Feldon scilicet, & Woodland, id est, in regionem campestram, & sylvestrem. Quas Avona flumen oblique per mediam regionem ab Ortuo æstivo in Occasum Brumalem defluens quodammodo sejungit.

Feldon.

Feldon cis Avonam ad Austrum campestri jacet planitie, frugibusque & virenti gramine læta prospectum amœnitate plenissimum despectantibus è colle, quem Edg-hill vocant, præbet. Qua vero hic collis juxta Warmington desinit vallum militare rotundum satis magnum vidimus, quod ut id genus alia opinemur in usum non longi temporis ingruentibus olim hostibus factum fuisse. Ex rubente autem hic terra Rodway, Rodley, & pars magna vallis ipsius The valle of Redborse nuncupatur, à forma equi in colle rufescente juxta Pillerton à rusticis excisa. In hac parte memoranda sunt Shipston, & Kinton, alterum ovium, alterum vaccarum forum jam olim, unde & nomina invenerunt, Compton in the hole ita appellatum quod sub collibus in convalle lateat: suas tamen habet amœnitates, & unde inclyta familia nomen traxit, è qua Henricum Compton ad Baronis dignitatem anno reparatæ Salutis CIO DLXXII, augustissima Reg. Elizabetha provexit. Wormleighton ovium pastura nobile, sed nobilius ex quo clarissimum virum Ioannem Spencer, de quo jam diximus, Baronem Spencer de Wormleighton Rex Iacobus creaverit. Shugbury, ubi Astroites lapides reperiuntur, quos loci domini de Shugbury dicti, in suum digma gentilitium transtulerunt, Southam mercatus haud ignotus, & frequens, nec non Leamington, à Leamo fluviolo qui hanc partem pererrat sic dictum, ubi fons salus ebullit, Vehindon, nunc Long Ichingdon, & Harbury. Nec alio sane nomine hæc duo memoranda sunt, quam quod inter ea Fremundus Offæ regis filius ex infidiis nefariè olim occisus fuerit; vir magni no-

The vale of Redhorse.

Shipston in Com. Wigor. Kinton. Compton.

Wormleighton.

Shugbury. Astroites lapides.

Leamington.

minis & singularis in Deum pietatis, cui nihil aliud invidiam conflavit, quam quod infœlici tempore, fœlicibus auspiciis hostium audaciam contudisset. Quod tamen ejus fatum in majorem illi gloriam cessit. Nam sepultus ad Offæ patris palatium (Off-Church nunc dicitur) posteritati adhuc superstes est, utpote qui inter indigites relatus divinos honores apud multitudinem meruit, vitæque ejus carmine satis eleganti ab antiquo scriptore descripta, è qua non sit piaculum, hos pauculos versus subungere de homicida qui regnandi libidine percitus illum sustulit,

*Non sperans vivo Fremundo, regis honore*

*Optato se posse frui, molitur in ejus*

*Immeritam tacito mortem, gladioque profanus*

*Irruit exerto servus, Dominique jacentis*

*Tale nihil veritum sevo caput amputat ictu.*

*Talis apud Wydford Fremundum palma coronat,*

*Dum simul & fontes occidit & occidit insons.*

Off-church.

\* Alibi Radford.

Hæc in Feldon sive campestri parte, quam (nec omittere decet) via illa antiqua Fosse transverse interfecat, cujus agger in pascuis jam devius cernitur prope Chesterton, habitationem pervetustæ familiæ Peitorum, è qua fuit Guilielmus ille Peito Franciscani ordinis, quem Cardinalem & Angliæ Legatum in invidiam Cardinalis Poli Augusti Quartus P. R. (tantæ inerant animis cœlestibus iræ) frustra creavit, cum Polum Romam accersisset tanquam depravatæ religionis reum. Verum Maria Regina, quanquam Romanæ Ecclesiæ devotissima, ita se interposuit, imo opposuit, ut Peito Angliam ingredi prohiberetur, & Legativa autoritas integra Polo relinquere-  
 tur. Nescio an hic memorare intersit quod regnante Edwardo Quarto, quidam scriptis libris conquesti sint Avaritiam in hoc tractu ovium gregibus tanquam copiis contractis villas frequentes obsidisse, agricolis abactis expugnasse, & tanta cum clade excidisse, ut ex illis vir eo ævo doctus cum Poëta exclamarit:

*Quid facerent hostes capta crudelius urbe?*

Ad Avonam vero flumen, ubi adhuc exilis hunc Comitatum subintrat, Rugby se primo offert laniis forum frequentissimum, deinde Newenham Regis ad alteram fluminis ripam, ubi tres fontes alumine, ut videtur, percolati erumpunt, quorum aqua lacteo colore & sapore, calculo mederi per-

Fosseway.

Peito

Roffus, &amp; T. B. contra villarum destructores.

Newenham. Fontes salubres.